



Publicaziuns officialas dils 07-07-2017

Damondas da baghegiar

Nr. 50/2017

Datum da publicaziun: 07-07-2017
Patrun: Monn Renato, 7172 Rabius
Representant: Winsun AG, 7000 Cuera
Liug e parcella: Caltgera; 158
Object: Installaziun d'in indrez fotovoltaic vid il tetg

Nr. 63/2017

Datum da publicaziun: 07-07-2017
Patrun: Brasser-Tschalèr Theresina Maria, 7015 Tamins
Representant: GAMA Architektur AG, 7403 Rhäzüns
Liug e parcella: Cargiet; 4910
Object: parcellar giu ina part dalla parcella nr. 4910 incl. baghetgs nr. 292 e 292-A (midada d'intent da tegia da diever agricol tier buc agricol)

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 52/2017

Natalino ed Eveline Caprino-Maissen, 7172 Rabius; remplazzament porta garascha dil baghetg nr. 446A e sanaziun dil mir schetg sin parcella nr. 134 a Rabius-Caltgera.

Nr. 54/2017

Astrid Duff-Tuor, 7175 Sumvitg; sanaziun dils mirs dil baghetg nr. 528 sin parcella nr. 383 a Rabius-Prau Dieghen.

Nr. 55/2017

Robert Candinas, 7172 Rabius; remplazzament dalla porta dil baghetg nr. 711B sin parcella nr. 5203 a Surrein-Val Dadens.

Nr. 58/2017

Isidora Haag, 7175 Sumvitg; colurar tetg dil baghetg nr. 197 sin parcella nr. 2710 a Sumvitg-Clavadi.

Nr. 60/2017

Margrit Caplazi, 8255 Schlattingen; colurar ils barcuns dil baghetg nr. 406C sin parcella nr. 4383 a Surrein-Runcahez.

Serrada via Laus

Muort las lavurs da construcziun sin la via da Laus vegn la via serrada naven dils 24 d'avrel 2017. La via ei serrada duront l'entira jamna (era sonda e dumengia) per tut il traffic. Il traffic vegn duront il temps numnau sviaus sin la via da Puzastg.

Tablas d'informaziun dattan sclariment davart ils loghens exacts dil tschancun che vegnan sanai. Las medemas informaziuns ein era publicadas sin la pagina d'internet dalla vischnaunca www.sumvitg.ch. Quellas informaziuns ein oravontut d'impurtonza per ils cultivaders dils praus sil tschancun denter Falens e Laus.

Nus engraziein per Vossa capientscha. Ulteriuras informaziuns survegnis Vus directamein dil biro Deplazes a Surrein (tel. 081 943 25 60).

Sumvitg, 07-07-2017

Suprastonza communal Sumvitg

Uffeci civil Surselva

Mortori

Jacomet Augustin, naschius ils 27-05-1937, morts ils 01-07-2017, staus sesents a Rabius.

Sumvitg, 07-07-2017

Controlla da habitonts

Pleiv Sumvitg

Sco gia communicau en in preavis predein si in usit derasau da pli baul e menein atras per tut tgi che ha plascher in pelegrinadi a Ziteil.

Varianta 1: venderdis e sonda, ils 28 e 29-7-2017

Partenza naven da Sumvitg, venderdis allas 14.00

Arrivada sill'Alp Muntèr entuorn las 16.00

Silsuenter a pei tochen a Ziteil, cuoz ca. 1½–2 uras

Devoziun avon tscheina e silsuenter star da cumpignia

La sonda retscheiver ils ulteriurs pelegrins, s. Messa allas 11.00

Varianta 2: sonda, ils 29 da fenadur 2017

Partenza naven da Sumvitg allas 6.30

Gentar: ord il sacados ni ell'ustria, Ziteil

Per tut tgi che po buc ir a pei vegn organisau in transport cun auto (la sonda) naven dall'Alp Muntèr–Ziteil. Nus fagein attents Vus che Ziteil schai sin 2434 m.s.m. A nos pelegrins attempai cussegliem da far quei viadi sche pusseivel en accumpignament d'in confamiliar. Il transport da Sumvitg–Alp Muntèr vegn organisaus cun autos privats. Mintga participont/a paga ina pintga cumpart al manischunz digl auto.

Nus selegrein d'astgar prender encunter tia/vossa annunzia definitiva (varianta 1 ni 2)

entochen sonda, ils 8-7-2017. Quei saveis bugen far tier las suandontas personas:

Rabius Gabriela Lutz, tel. 081 943 10 26, 078 640 91 12, gglutz@kns.ch

Surrein Doris Janka, tel. 081 943 31 64, 079 515 04 92, dorisjanka@bluewin.ch

Sumvitg Alice Cajacob, tel. 081 936 32 19, 078 866 74 68, alice.cajacob@bluewin.ch

Cordial invit ed amicabels salids

Il cussegl pastoral e sur Benny

Meisa da miezdi (gentar communabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star il suentermiezdi da cumpignia e dar in scart troccas ni auters giugs.

Liug «Ustria dalla Staziun», 7176 Cumpadials
Datum venderdis, ils 14 da fenadur 2017 allas 12.00
Prezi 18 francs per persuna cumpriu gentar cun dessert e caffè.
Annunzias Ein da far entochen gievgia sera tier «Ustria dalla Staziun», Cumpadials, tel. 081 943 19 22.